

漢魏六朝百三家集

何有焉。是以未敢聞命。

又答相國歆等令

昔者大舜飯糗茹草。將終身焉。斯則孤之前志也。及至承堯禪。被珍裘。妻二女。若固有之。斯則順天命也。群公卿士。誠以天命不可拒。民望不可違。孤亦曷以辭焉。二子。

薄稅令

關津所以通商旅。池苑所以禦災荒。設禁重稅。非所以便民。其除池籓之禁。輕關津之稅。皆復

什一。

復樵租稅令。

先王皆樂其所生禮不忘其本。樵霸王之邦。真人本出。其復樵租稅二年。

以鄭稱爲武德傳令。

龍淵太阿出昆吾之金。和氏之璧。由井里之田。礪之以砥礪。錯之以他山。故能致連城之價。爲命世之寶。學亦人之砥礪也。稱篤學大儒。勉以經學輔侯。宜旦夕入侍。曜明其志。

○廣詢令

軒轅有明臺之議。放勛有衢室之問。皆所以廣
詢於下也。百官有司其務。以職盡規諫。將率陳
軍法。朝士明制度。牧守申政事。縉紳考六藝。吾
將兼覽焉。

問雍州刺史張既令

中令

下並示平

蘇則爲金城太守。西平麴演叛。則勒兵
討之。演乞降。文帝時。襲王位。令問既。既
答之。加則護羌校尉。賜爵關內侯。
後演復結旁郡爲亂。則誘斬之。

試守金城太守。蘇則既有綏民平夷之功。聞又

出軍西定湟中爲河西作聲勢吾甚嘉之則之
功效爲可加爵邑未邪封爵重事故以問卿密
白意且勿宣露也


拜毛玠等子男爲郎中令

下並元年

故尚書僕射毛玠奉常王脩涼茂郎中令袁渙
少府謝奐萬潛中尉徐奕國淵等皆忠直在朝
履蹈仁義並早卽世而子孫陵遲惻然愍之其
皆拜子男爲郎中

收歛戰亡士卒令

諸將征代士卒死亡者或未收斂吾甚哀之其
告郡國給槨殯歛送致其家官爲設祭



昔者四命君辭辭煥沒煙其家官為財
前陳五外士卒取士首為木外煥行其

策

追封鄧公策

惟黃初二年八月丙午皇帝曰咨爾鄧哀侯冲
昔皇天鍾美於爾躬俾聰哲之才成於弱年當
永享顯祚克成厥終如何不祿早世天昏朕承
天序享有四海並建親親以藩王室惟爾不逮
斯榮且葬禮未備追悼之懷愴然攸傷今遷葬
于高陵使使持節兼謁者僕射郎中陳承追賜
號曰鄧公祠以大牢魂而有靈休茲寵榮

○謚龐德策

昔先軫喪元。王蠋絕脰。隕身殉節。前代美之。惟
侯式昭果毅。蹈難成名。聲溢當時。義高在昔。寡
人愍焉。謚曰壯侯。

策孫權九錫文

蓋聖王之法。以德設爵。以功制祿。勞大者祿厚。
德威者禮豐。故叔旦有夾輔之勲。太公有鷹揚
之功。並啟土宇。并受備物。所以表章元功。殊異
賢哲也。近漢高祖受命之初。分裂膏腴。以王八

姓斯則前世之懿事後王之元龜也朕以不德
承運革命君臨萬國秉統天機思齊先代坐而
待旦惟君天資忠亮命世作佐深覩歷數達見
廢興遠遣行人浮於潛漢望風影附抗疏稱藩
兼納纖絺南方之貢普遣諸將來還本朝忠肅
內發欵誠外昭信著金石義蓋山河朕甚嘉焉
今封君爲吳王使使持節太常高平侯貞授君
璽綬策書金虎符第一至第五左竹使符第一
至第十以大將軍使持節督交州領荊州牧事

錫君青土苴以白茅，對揚朕命。以尹東夏，其上
故驃騎將軍南昌侯卬，綬符策。今又加君九錫，
其敬聽後命。以君綏安東南，綱紀江外，民夷安
業，無或携貳。是用錫君大輅戎輅各一，玄牡二
駟。君務財勸農，倉庫盈積。是用錫君袞冕之服，
赤舄副焉。君化民以德，禮教興行。是用錫君軒
縣之樂。君宣導休風，懷柔百越。是用錫君朱戶，
以居。君運其才謀，官方任賢。是用錫君納陛以
登。君忠勇並奮，清除姦慝。是用錫君虎賁之士。

百人君振威陵邁宣力荆南梟滅凶醜辜人斯
得是用錫君鈇鉞各一君文和於內武信於外
是用錫君彤弓一彤矢百茲弓十茲矢千君以
忠肅爲基恭勤爲德是用錫君秬鬯一鹵圭瓚
副焉欽哉敬敷訓典以服朕命以勗相我國家
永終爾顯烈

冊孫登爲東中郎封侯策

蓋河洛寫天意符讖述聖心昭晰著明與天談
也故易曰河出圖洛出書聖人則之孫將軍歸

心國朝忠亮之節。同功佐命。而其子當爲魏將
軍。著在圖讖。猶漢光武受命。李氏爲輔。王梁孫
咸。並見符緯也。斯乃皇天啓祐大魏。永令孫氏
仍世爲佐。其以登爲東中郎將。封縣侯。萬戶。昔
周嘉公旦。祚流七脣。漢禮蕭何。一門十侯。今孫
將軍亦當如斯。若夫長平之榮。安豐之寵。方斯
蔑如。

教

○答卞蘭教

賦者言事類之因附也。頌者美盛德之形容也。故作者不虛其辭。受者必當其實。蘭此賦豈吾實哉。管吾上壽王。一陳寶鼎。何武等徒以歌頌猶受金帛之賜。蘭事雖不諒。義足嘉也。今賜牛一頭。

一

解受金曰：而聞事雖不結，是以嘉也。今則

實諸管，其主王。其言曰：所獲於封以

文，非其不盈其積受者，必當其實。蘭州知

縣，言事，其文曰：州山，其言美，盈縣之

曰：谷本，其

祭

表

讓禪表

皇帝陛下奉被今月乙卯璽書伏聽冊命。五內
驚震。精爽散越。不知所處。臣前上還相位。還守
藩國。聖恩聽許。臣雖無古人量德度身自定之
志。保已存性。實其私願。不寤陛下猥損過謬之
命。發不世之詔。以加無德之臣。且聞堯禪重華。
舉其克諧之德。舜授文命。采其齊聖之美。猶下
咨四嶽。上觀璿璣。今臣德非虞夏。行非二君。而

承歷數之謠。應選授之命。內自揆撫。無德以稱。
且許由匹夫。猶拒帝位。善卷布衣。而逆虞詔。臣
雖鄙蔽。敢忘守節。以當大命。不勝至願。謹拜章
陳情。使行相國永壽少府。冀土臣毛宗奏并上
璽綬。

讓禪第二表

奉今月戊戌璽書。重被聖命。伏聽冊告。肝膽戰
悸。不知所措。天下神器。禪代重事故。堯將禪舜。
納于大麓。舜之命禹。玄圭告功。烈風不迷。九州